



Broj: 01-14-4-13028/17

Datum: 10-10-2017

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 70. u vezi sa članom 87. stav (3) i članom 88. Zakona o javnim nabavkama („Službeni glasnik BiH”, broj 39/14) i preporuke Komisije za sprovođenje tenderske procedure za izbor najpovoljnijeg ponuđača za izvođenje radova na sanaciji i rekonstrukciji kancelarija i potkrovlja u PU Stari grad Sarajevo, imenovane rješenjem, broj 01/5-1-14-4-10667, od 25.08.2017. godine, ministar unutrašnjih poslova Kantona Sarajevo, d o n o s i:

ODLUKU

o izboru najpovoljnijeg ponuđača

I

Na osnovu odluke, broj 01-14-4-11716, od 15.09.2017. godine i obavještenja o nabavci, broj 1364-7-3-34-3-42/17, od 18.09.2017. godine, pokrenut je postupak javne nabavke za izbor najpovoljnijeg ponuđača za izvođenje radova na rekonstrukciji i sanaciji kancelarija i potkrovlja u objektu Policijske stanice Stari grad Sarajevo, putem konkurentskog zahtjeva.

II

Komisija je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora ponuđaču “EKO GRADNJA” doo Sarajevo, kao najpovoljnijem kvalifikovanom ponuđaču. Ukupna vrijednost ponude iznosi (15631,61 KM bez PDV-a, 18288,98 KM sa PDV-om)

III

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16



Obrazloženje

Na osnovu odluke, broj 01-14-4-11716, od 15.09.2017. godine i obavještenja o nabavci, broj 1364-7-3-34-3-42/17, od 18.09.2017. godine, pokrenut je postupak javne nabavke za izbor najpovoljnijeg ponuđača za izvođenje radova na rekonstrukciji i sanaciji kancelarija i potkrovlja u objektu Policijske stanice Stari grad Sarajevo, putem konkurentskog zahtjeva. Procijenjena vrijednost nabavke iznosi 17445,00 KM bez PDV-a.

Prema Zapisniku sa otvaranja ponuda od 02.10.2017. godine, za aktivno učešće u postupku dostavljene su ponude od strane ponuđača: KULA MONT doo Zenica, COLOREX doo Mostar, INTERMING doo Sarajevo, EKO GRADNJA doo Sarajevo, SELA doo Sarajevo, KONKRIT doo Sarajevo i GALBOLS doo Sarajevo

Komisija je izvršila pregled i ocjenu dostavljenih ponuda, te sačinila zapisnik o pregledu i ocjeni ponuda, broj 01-14-2-12275, od 09.10.2017. godine.

Pregledom i detaljnom analizom dostavljenih ponuda Komisija je utvrdila da ponuda ponuđača KULA MONT doo Zenica nije prihvatljiva iz razloga što nisu dostavljeni svi dokumenti i na propisan način traženi tačkom 6. Tenderske dokumentacije, vezani za ispunjavanje uslova iz člana 46., člana 47. i člana 51. Zakona. U skladu sa navedenim ponuda navedenog ponuđača se odbacuje u skladu sa članom 68. stav (1) Zakona.

Ponuda ponuđača COLOREX doo Mostar, nije prihvatljiva iz razloga što nije dostavio ponudu na način propisan tačkom 7.1. tenderske dokumentacije, kojom je predviđeno da se ponuda dostavlja u dva primjerka original i kopija, dok je ponuđač dostavio samo original ponude. U skladu sa navedenim ponuda navedenog ponuđača se odbacuje u skladu sa članom 68. stav (4) tačka i) Zakona.

Ponuda ponuđača INTERMING doo Sarajevo, nije prihvatljiva iz razloga što nisu dostavljeni svi dokumenti traženi tenderskom dokumentacijom i to izjava o podugovaranju tražena tačkom 6.2. j) tenderske dokumentacije. U obrascu za cijenu ponude (strana 11 ponude) navedenog ponuđača, u stavci II 3 u koloni ukupna cijena bez PDV-a vršene su ispravke cijene upotrebom korektora, dok ispravka nije ovjerena pečatom ponuđača i parafirana. U skladu sa navedenim ponuda navedenog ponuđača se odbacuje u skladu sa članom 68. stav (4) tačka i) Zakona.

Ponuda ponuđača SELA doo Sarajevo nije prihvatljiva iz razloga što ponuđač nije popunio ugovor iz aneksa XI tenderske dokumentacije u skladu sa tačkom 6.2 i) Tenderske dokumentacije, gdje je navedeno da sve rubrike ugovora moraju biti popunjene, ugovor potpisan i ovjeren pečatom. U ugovoru u članu 7. nije upisano trajanje garantnog roka za izvršene radove, uz napomenu da garantni rok nije naveden ni na jednom drugom mjestu, te se navedena ponuda iz tih razloga nije prihvatljiva, te se odbacuje u skladu sa članom 68. stav (4) tačka i) Zakona.

Ponuda ponuđača KONKRIT doo Sarajevo nije prihvatljiva iz razloga što nisu dostavljeni svi dokazi traženi tačkom 6 tenderske dokumentacije, a koji su vezani za ispunjavanje uslova tehničke i profesionalne sposobnosti. U skladu sa navedenim ponuda se odbacuje u skladu sa članom 68. stav (1) Zakona.


Ponude ponuđača EKO GRADNJA doo Sarajevo i GALBOLS doo Sarajevo, sadrže sve elemente tražene tenderskom dokumentacijom, odnosno ispunjavaju sve formalno-pravne, ekonomske i tehničke uslove.

Shodno utvrđenom kriterijumu najniža cijena, primjenom odredbi člana 1. stav (1) tačka b) Odluke o obaveznoj primjeni preferencijalnog tretmana domaćeg (Službeni glasnik BiH, broj 83/16) Komisija je dala preporuku da se ponuda ponuđača EKO GRADNJA doo Sarajevo prihvati kao najpovoljnija i dodijeli Ugovor navedenom ponuđaču.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 5 (pet) dana od dana prijema obavještenja, a u skladu sa članom. 99. i 101. Zakona o javnim nabavkama.



MINISTAR
Mulabdić
Edran Mulabdić

DOSTAVITI:

1. Komisiji
2. Ponuđačima x7
- ③ Odjeljenju za odnose s javnošću,
radi objave na web stranici ugov. organa
4. a/a